



Inatsisartunut ilaasortaq, Sofie Geisler, Inuit Ataqtigiit
Maani

**Pisortanut isumaqatigiissutit aamma pisortanut akissaatitigut
isumaqatigiissutit pillugit § 37 naapertorlugu apeqquteqaammut nr. 310-
imut akissuteqaat**

Inatsisartut suleriaasianni § 37 imm. 1 naapertorlugu, Naalakkersuisunut
apeqquteqarputit. Apeqqut uanga suliassa qarfinni akineqartussanngorlugu
innersuunneqarpoq.

Naalakkersuisunut apeqqutit:

Apeqqut 1: Pisortanut isumaqatigiissutit aamma pisortanut akissaatitigut
isumaqatigiissutit suut Naalakkersuisut sulisartullu kattuffiisa
isumaqatigiissusiorfigisimavaat?

Akissut: Ullumikkut Pisortanut isumaqatigiissutit/akissaatitigut isumaqatigiissutit
ASG-mut – Akademiker Sammenslutningen Grønland, Djøf-imut – Dansk jurist
og økonomiforbund, DSA-mut – De Sammenforhandlende Akademikere, kiisalu
IMAK-imut – Ilinniartitsisut Meeqqat Atuarfianeersut Kattuffiat,
isumaqatigiissutaapput.

Siulliullugu taaneqartoq Kalaallit Nunaanni Tjenestemandinut inatsit 2003-
imeersoq naapertorlugu Qitiusumi kattuffiuvoq.

Aammattaaq Namminersorlutik Oqartussat nittartagaanni Sulisoqarnermut
Aningaasaqarnermullu Aqutsisoqarfik (ASA) inussiarnersumik
innersuussutigineqassaaq, tassani pisortat akissaatitigut isumaqatigiissutaat
tamarmik, ilanngullugit pisortanut isumaqatigiissutit, tamanit
pissarsiarineqarsinnaasunngortinneqarmata www.asa.gl (uani)

Apeqqut 2 : Pisortatut inissisimanerup nalinginnaasumillu sulisut
assigiinngissutaat qanoq killilerneqarsimasimava?

Akissut: Pisortatut taaguut nassuiarneqartarpoq, aqutsisoq sulisoqarnermut
allaffissornikkut aamma aningaasaqarnikkut aalajangiinissamut
piginnaatitaaffeqartoq. Ataatsimut isigalugu tamanna isumaqarpoq, aqutsisoq
sulissarsiorinissamut imaluunniit atorfinitsitsinissamut aammalu

Allakkat ulluat: 09-10-2019
Suliap nr. 2019 - 21782

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

soraarsitsinissamut imaluunniit suliunnaarsitsinissamut pisinnaatitaaffeqartoq aammalu aningaasaqarnikkut atugassiissuteqarnissamut piginnaatitaalluni.

Apeqqu 3: Tjenestemanditut taaguut atorunnaariartortillugu manna tikillugu pisortatut taaguuteqartitsinerput ullutsinnut naleqquttua, taamatullu sulisut kalaallit qaffasissumik ilinniagaqarsimangitsut pisortatut sulisoralugit pisortatigut atorfiit nutaat assigiinngissitaartorpassuit pilersiortorneqarneri naleqquttua?

Akissut: Aqutsisoq aalajangersimasoq Tjenestemanditut imaluunniit akissaatitigut isumaqatigiissutini atugassarititaasut tunngavigalugit atorfinitsitaasimanersoq, pisortatut taaguummi apeqqutaanngilaq. Taamaalilluni aqutsisutut inissisimaffimmi aalajangersimasumi atuuffiit taamaalillutik pisortaanermut nassuiaassutaapput. Aallaaviatigut ilinniagartuutut ilisimatusarfimmi soraarummeersimaneq, pisortatut atorfimmi atorfinissinnaanermut aalajangiisuunngilaq. Taamaalilluni ulloq manna tikillugu pisortat/aqutsisut, ilisimatusarfimmi soraarummeersimanermit allaanerusemik ilinniagaqarsimasut allaffissornermi pisortanut ASG-mi akissaatitigut isumaqatigiissutit ataanni atorfinitsinneqartarput.

Apeqqu 4: Naalackersuisut atorfinitsitsinermit kaajallaasitaani 27. september 2017- meersumi § 9 innersuutigalugu, taava kalaallit suliatigut kattuffiit angisuunut, AK-mut aamma SIK-mut pisortanut isumaqatigiissutit aamma pisortanut akissaatitigut isumaqatigiissutit ammaanqarnissaannut Naalackersuisut eqqarsaatigisinnaavaat?

Akissut: Qitiusumi allaffeqarfimmi naalackersuisoqarfimmi pisortaanertut, kiisalu pisortatut kiisalu suliffeqarfinni imminut ingerlattuni pisortatut atorfiit inuttalerneqarneranni immikkut oqaatsitigut pisinnaasaqarnissamut piumasaaqatit, atorfinitsitsinermit kaajallaasitami § 9-imi aalajangersakkami aalajangersarneqarput. Pisortat suliaasaqarfiini tamaginni pisortanut isumaqatigiissutit AK-mut aamma SIK-mut isumaqatigiissutiginnissaannut tunngatillugu aalajangersagaq taanna sooq attuumassuteqarnersoq, ersarinngilaq. Tassunga atatillugu aamma oqaatigineqassaaq kattuffiit ilaatigut akornanni katuffiit akimorlugit isumaqatiginninniartunik taaneqartartunik isumaqatigiissuteqartarmata, assersuutigalugu kattuffiit namminneq sulisartut sorliit isumaqatigiinniutissallugit namminneq isumatigiissutigalugu. Taamaattut pisariaqanngitsumik pisariillisitseqataasinnaatillugit aammalu Kalaallit Nunaanni pisortat susassaqarfiini isumaqatigiissutit amerlasoorpassooreersut amerliseqqittussanngorlugit, qanoq pisoqaraluarpuunniit pisortanut isumaqatigiissutinik allanik isumaqatigiissuteqarnissaq iluaqutaanaviannngilaq. Ukiuni makkunani suliaasaqarfiup pisariillisarneranut aammalu isumaqatigiissutit/akissaatitigut isumaqatigiissutit sapinngisamik amerlanerpaat assigiilersinnissaannut kiisalu - ajornartinnagu – Kalaallit Nunaanni sulisoqarnermi suliaasanik suliarinnittartunut paasiuminartitsinissaq siunertaralugu ataatsimoortunngorlugit allanneqarnissaannut, suliat ingerlapput.

Tamanna minnerunngitsumik kommuninit kissaatigineqarpoq. Pisortanut isumaqatigiissutinik allanik isumaqatigiissuteqarneq taamatut ilungersuuteqarnerup paarlаторluinnarisussaavaa.

Apeqquut 5: ASG-mut, danskit kattuffiisa ataatsimoorfiannuinaq pisortat isumaqatigiissusiorfigineqarsimanagerat Naalakkersuisuniit ajornartorsiutitut isigineqarpa, ASG-mimi namminneq ilaasortassanik tigusineq ajorpoq, taamaallaallu tjenestemandit eqqarsaatigulugit pingaarnertut isumaqatigiissusiorsimasuullutik?

Akissut: Apeqquut paatsoornermik tunngaveqarpassippoq. Apeqquummut 1-imut akissuteqaammi allassimasutut, taamaalilluni taamaallaat ASG-p suliassaqaarfiini pisortanut isumaqatigiissutinik isumaqatigiissuteqartoqanngilaq. Assersuutigalugu Namminersorlutik Oqartussat aamma Kalaallit Nunaanni kommunit ataanni allaffissornermi pisortanut aningaasarsianut atorfininnermullu atugassarititaasut pillugit Naalakkersuisut aamma Ilinniartitsisut Meeqqat Atuarfianneersut Kattuffiata (IMAK) akornanni isumaqatigiissuteqartoqarpoq.

Ilinniagartuut Kattuffiat /Akademikernes Sammenslutning i Grønland (IK/ASG) kattuffinnut arlalinnut, AC-nut suliassaqaarfinni eqimattakkuutaanut assigiinngitsunut kattuffiusunut, ataatsimoortumik kattuffiuvoq. Tamanna isumaqarpoq, kattuffiit IK/ASG-imi ilaasortaasut. Taamaalilluni nunatsinni aningaasarsiaqartut arlallit sulisartut peqatigiiffiini ASG-ip ataaniittuni kattuffeqarput.

Naalakkersuisut aammattaaq tjenestemandinut tunngatillugu Kalaallit Nunaanni Namminersorerullutik Oqartussani kommuninilu tjenestemandit pillugu Inatsisartut inatsisissaat nr. 21, 18. december 2003-meersumi § 51-imi aalajangersagaq innersuussutigissavaat. Aalajangersakkami imm. 1-imi allassimavoq, tjenestemandit, atorfillit minnerit soraarninngornerit tjenestemandillu soraarninngornerit isumaqatigiinniarsinnaatitaanerat kattuffissuit Kalaallit Nunaanni angerlarsimaffeqartut, Naalakkersuisullu Aningaasarsiaqartitsineq pillugu Siunnersuisoqatigiit oqaaseqaateqartereerlugit isumaqatigiissuteqarnermi periaatsit kiisalu isumaqatigiinniarsinnaatitaanerup atorneqartarnerani malittarisassat pillugit tunngaviusumik isumaqatigiissuteqarfigisartagaat aqqutigalugit ingerlanneqartartoq.

Naalakkersuisut aalajangersakkap taassuma allanngortinnissaanik siunnersuuteqarnissamik maannakkorpiaq pilersaaruteqanngillat.

Apeqqutinut qaqinneqartunut allanik oqaaseqaatissaqanngilanga.

Inussiarnersumik inuulluaqqusillunga


Vittus Qujaukitsog